



UNIVERSITÄTS-
BIBLIOTHEK
PADERBORN

**Vitæ Sanctorum Sacris per singulos anni dies
Meditationibvs illustratæ**

Paderbornæ, 1697

S. Vincentius Ferrerivs. 5. Aprilis.

[urn:nbn:de:hbz:466:1-62968](#)

us quidem nihil est avaro; temporis autem avaritia & juvenum & senum & quissima usura est. Quocunque tempore non cogitamus Deum (sit juventutis, sit senectutis) Puta illud tempus amissum esse. Cæsar. Monit. 2. c. 3.

2. Alii consummati in brevi expletent tempora multa. Aliis cursus longior est & vita laboriosior. Deus tamen justissimus Pater familias fervorem & puritatem intentionis magis attendit, quam tempus, quod homo impendit. Veneris manè aut serò ad Dominum, præmiū recipies juxta mensuram fervoris. Annos non respicit Dominus, sed fructum computat annorum.

3. Suavis est Dominus Universis. mittit sagenam suam in mare, & trahit ad se in nexibus charitatis juvenes & senes: nec emittit foras nisi malos; nec eligit in vase nisi bonos. Stude ut deprehendaris esse bonus. Dicat pœnitens Senex: Ab serò te amavi dicat juvenis: bonum est homini si portaverit jugum ab adolescentia sua.

S. VINCENTIUS FERRERIVS.

5. Aprilis,

Castigo corpus meum, & in Servitatem redigo, ne, cum aliis predicavero, ipse reprobus efficiar.

¶ Paul. ad Corinth. 9.

S. VIN-

SVINCENTIUS antiquâ Ferreriorum familiâ in Hispania natus , primis statim annis documenta edidit Magisterii Pietatis , quod vir exercuit , jam puer inter pueros Magnus Orator : Ea initia egregia indole ac litterarum eximio profectu fecit auctiora , omnem libertatem pertulit , quæ levitatem oleret . Ingressus S. Dominici familiam , & Christi aspectu , morbo levatus , ejus imperio populos ad pœnitentiam evocare institit , tam strenuè quidem , ut satis constet judæorum viginti quinq; milia , totidem ferè Saracenorum , Christo ejus operâ conciliata ; Christianorū centum viginti millia eidem reconciliata : publicis flagitiis infamia quadriginta millia ad Innocentiam reducta ardore dicentis inde intelligas , quòd capitalia ausos cùm ad furcā comitaretur , oratione primum effervescere , mox colliquescere , denique in cinerem exarescere coegerit felicissimo supplicio amoris extinctos . Tot spoliis Orco ab actis triumphantem mirum non est , si Styx odit & spoliare castitatis gemmâ contendit , quantumvis irrito conatu , quòd in Magnæ Matri tutela esset , quæ suo pugili adstitit , & victorem rude donavit , in nos quoq; exemplum repetitura , si cum VINCENTIO

vin-

vincere vellemus. Acta olim furiis mater,
ac proli suæ iniqua, infantem in multas par-
tes secuerat: has collectas vir sanctus inte-
gritati vitæque restituit, post dæmonem eti-
am de morte triumphans, quæ proinde ob-
struere viam huic sideri non potuit, quo
minus ad cœlum Anno M. DC. XVIII.
ferrettur. Ex Surio,

M E D I T A T I O

De apparatu supremi iudicij

1. Terribilis erit ultimi iudicij apparatus, hor-
renda videbuntur signa, Sol cruentus, aër
igneus, vehementioribus procellis agitatum mare,
terræ motus, famæs, sterilitas, bella, morbi. Ad-
hæc tam callide fideles exagitabit Anti- Christus,
vix ut ipsi possint resistere. Credo Domine, me
auditurum esse terrificas tubas vocantes ad judici-
um. Si quando senseris ad aliquod crimen te cieris, in
mentem revoca, nulli tolerabile Christi iudicium. Basil.

2. Cerne animo vallem Josaphat, variis refertam
populis. Jesus de cœlo descendet copiosâ Beato-
rum coronâ stipatus, ut omnes homines judicet:
ad ejus dexteram boni Angeli, & Electi omnes;
ad sinistram verò damnati, longâ dæmonum cater-
vâ circumsepti. Heù! aliquando ero in hac valle
lachrimarum. Quid de me tunc fieri? Nescio: At-
tamen hilarem vitam ago, quamvis ignorem, an
ad dexteram, an ad sinistram sim collocandus.



90 [o] 249. 10*

3. Considera, quid tunc dicturi, quid cogitaturi
sint electi. An eos pœnitentia, mundi vanitatem
contempserit? Attende etiam ad ea, quæ dicturi
sunt damnati; En! inquiet (Electos indicantes) en!
quos aliquando habuimus in derisum: Quām ta-
men prudentes fuerunt! ipsis verò damnatis quām
lugubre erit, Deum videre & perdere! & ante pretiis sui
perire conspectum. Eucher.

S. GVILIELMVS Abbas.

6 Aprilis.

*Omnia autem probate, quod bo-
num est tenete.* Paul. Ep. 1. ad Thess.

GVILIELMVS domi nobilis, Hugoni
Abbati, apud Parisienses, à parentibus
ad omnem pietatem informandus traditus
est. Nec abhorrebat à disciplina pius animus,
qua comite feliciter in litteris progressus,
facile superabat æmulos, quibus ob morum
integritatem fastidio fuerat. Patebat multo-
rum invidiæ, quam ille æquo animo perfe-
rens nihil alienum à virtute patrabat
quæ sedem firmam in pectore ipsius jam
fixisset. Dubius quo vitæ genere virtutis
studia decurreret, monente tandem se-
verius Odone Abate, & objecta Christi
crucifixi